

四庫全書

子部

欽定四庫全書

類說目錄

卷四

西京雜記

綈几

常滿燈

七夕穿針

九枝燈

珠襦玉匣

菊酒

飲酎

連枝草

遠方異果

紫泥墮室

寶跗

金瓠環

吉光裘

金屋貯阿嬌

玉搔頭

歲星不見十八年

吞文石

龍生九子

相憐愛

竹下圍棋卜

九逸

戲象

東閣三館

寧逢惡賓無逢故人

佳城

蛟龍入懷

字挾風霜

塵落帽飛

鷓鴣裘

白頭吟

作美人賦

夢黃衣翁

枚馬文章

此中多有

目矐得酒食

算術

乳母告急

五侯鯖

金彈丸

懷鉞提槧

單鵲寡鳧

夢白鳳

蒲桃錦散花綾

讀賦千首

至誠金石為開

三雲殿

金衣菊裳

凋胡

幽王冢

兩京雜記

病坊

紗籠中人

則天改新字

冥間列榜

念珠廳

佛袍集

秦京雜記

唱杖

佛牙

報羅使

繩槪之戲

內人科

音聲樹

漢陂

石橋上卜行馬

壓驚錢

市語

雞粟

隨駕老鴉

番禺雜記

五羊

火宅僧

雷藏

雷郎

看潮

歌堂

臘一伏二

水醫

盪風

占卜

瘴母

鬼市

諱龔

以玉抵鵲

鬻帆

鍊風

沓潮

潮田

天蛤

稻孫

合歡菜

魚子草

競火樹

大業雜記

船脚

沉香堂

圖經

四時飲



五香飲

芝草

玉箱雜記

二龍

繡虎

伏鸞隱鵠

擲玉於門

無愁酒

三榮三悴

藏鈎

青箱雜記

魏野獻詩

藥名詩

下觀楊子小

五更三七上八

官職是國家底

馮道詩

論馮道附

上壽失容

張齊賢詩

望火馬日遊神

香印

避諱

父名岳不聽樂

諱取枉法賊

看尚書詩

水津為步

村市為虛

痰市

秀才可低處過

斫頭留項在裏

舌上有毛

論相

心相

識貴人

武有之德禹別之州

文章有館閣氣

文章官樣

論富貴

集句

文公謝啓

復本姓謝啓

文莊詩

喜遷駕詞

淮陰廟詩

老兒詩五十韻

詩有障礙

吟詩見志

詩識

白孟二詩

牡丹不成一事

求食

三臺

驛券

繁臺

惠崇詩

立程嬰杵臼廟

臨終偈

張方平偈

訪荷澤像

裴晉公賦

范文正賦

王沂公賦

宮詞

類說目錄

欽定四庫全書

類說卷四

宋 曾慥 編

西京雜記

綈几

漢制天子玉几冬加綈錦謂之綈几以象牙為火籠  
以酒為書滴以玉為研皆取其不冰夏設羽扇又設  
繒扇

常滿燈

長安巧工丁緩為常滿燈七龍五鳳雜以芙蕖又作  
被中香爐機環轉運四周而爐體常平又作七輪大  
扇一人運之滿堂寒顫

七夕穿針

漢宮七夕穿針皆會于開襟樓針皆七孔

九枝燈

秦咸陽有青玉九枝燈下有蟠龍燃則鱗甲皆動項

羽入關取之

珠襦玉匣

漢制諸陵皆珠襦玉匣形如鎧甲連以金縷武帝匣上仍刻蛟龍

菊酒

漢俗九日佩茱萸房餌蓬餌飲菊酒其法以菊雜黍米釀酒封室中至來歲重陽日開

飲酎

漢制宗廟八月飲酎用九醞酒



連枝草

樂遊苑自生玫瑰樹樹下多苜蓿一名懷風又曰光風風在其間常蕭蕭然日照其花光采茂陵人謂之連枝草

遠方異果

瑰栗文杏緇核桃青房李皆遠方異果植之上林

紫泥墼室

漢中書以武都紫泥為墼室皆綠綈其上

寶跗

進御筆管以錯寶跗間以璧玉翠羽之飾

金羈環

戚夫人善為翹袖折腰之舞歌出塞入塞望歸之曲  
又以百鍊金為羈環照見拍骨上惡之以賜侍兒鳴  
玉耀玉等

吉光裘

武帝時西域獻吉光裘入水不濡異國獻短人東方

朔問曰巨靈如何叛阿母今健否

金屋貯阿嬌

武帝為太子方數歲陳長主欲以女配帝曰阿嬌好  
否帝曰若得阿嬌當以金屋貯之主喜即以配帝阿  
嬌陳后小字也

王搔頭

武帝過李夫人賜王簪搔頭又賜象牙簪

歲星不見十八年

東方朔臨終曰天下無知我者惟厯官大任公知之  
帝召問之曰歲星不見十八年此夕方出

吞文石

弘成子少有人授以文石大如燕卵吞之心識開悟  
遂為通儒後病吐石出以授弟子五鹿充宗亦為碩  
學

龍生九子

瓠子初決有蛟龍從九子自決口逆上濺波流沫數

里

相憐愛

漢宮七夕臨百子池以五色縷相羈謂之相憐愛

竹下圍棋卜

八月四日竹下圍棋卜勝者終年有福不勝者有疾

九逸

文帝在代邸有良馬九匹號九逸如赤電鱗駒紫燕

騶綠螭驄之類

戲象

鞠道龍古有黃公術能制虎又能立興雲霧坐變山河後衰老飲酒無度術不能神為虎所食故三輔間以為戲象

東閣三館

公孫弘為相開東閣分三館一曰欽賢以待大賢次曰翹材以待大才次曰接士以待國士

寧逢惡賓無逢故人

公孫弘食故人高賀以脫粟飯覆以布被賀曰何用  
故人富貴為脫粟布被我自之弘內廚五鼎外膳  
一餽詐也弘曰寧逢惡賓無逢故人

佳城

滕公往東都出門馬鳴跼不進跑地成坎公命掘之  
得石槨銘文古異叔孫通曰科斗書也文曰佳城鬱  
鬱三千年見白日吁嗟滕公居此室公歎曰天也某  
死其安此乎後葬其地

蛟龍入懷

董仲舒夢蛟龍入懷乃作春秋繁露

字挾風霜

淮南王安著鴻烈云字中皆挾風霜

塵落帽飛

東方朔每嘯塵落帽飛

鷗鷺裘

司馬相如與文君久益貧以所著鷗鷺裘貫酒



白頭吟

相如欲聘茂陵人女為妾文君作白頭吟以自絕相  
如乃止

作美人賦

文君眉色不加黛飾如望遠山臉際常若芙蓉肌膚  
如脂長卿素有消渴疾作美人賦以自刺卒以此疾  
死文君為誄傳於世

夢黃衣翁

相如將獻賦未知所為夢一黃衣翁曰可為大人賦  
遂作之

枚馬文章

枚臯文敏時有累句長卿淹遲首尾溫麗故知疾行  
無善迹矣揚雄曰軍旅之際飛書馳檄用枚臯廊廟  
之中高文大冊用相如

此中多有

惠莊與朱雲論辨口吃不能對拍其胸曰口雖不能

劇談而此中多有

目潤得酒食

陸賈云目潤得酒食燈花得錢財鵲噪行人至蜘蛛

集百事喜

算術

嵩真曹元理並喜算術真自算年七十三正月二十  
五日晡時死至二十四日晡時死其妻曰見真長下  
一算慮別有旨故不言果差一日死有遺恨矣陳廣

漢貯米二困請元理計其數元理取食箸作數轉曰  
各若干開困校之東則數同西差一升有死鼠焉元  
理慚曰不知鼠之非米不如剝面皮矣他日元理詣  
廣漢設食甚薄廣漢曰有倉卒客無倉卒主人元理  
以匕箸算曰俎上蒸狍廚中荔枝何不設廣漢大驚  
乳母告急

武帝欲殺乳母告急於東方朔朔曰汝臨去但屢顧  
我當設奇激之乳母如所教朔在帝側曰汝宜速去

帝令已大豈念汝乳哺時耶帝乃舍之

五侯鯖

五侯不相能賓客不得來往婁護傳會各得其歡心  
競致奇膳護合以為鯖世稱五侯鯖以為奇味

金彈丸

韓嫣好挾彈以金為丸日失數百當時語曰苦饑寒  
逐金丸

懷鈐提槧

揚雄懷鈇提槧從計吏訪四方語作方言

單鵠寡鳧

劉道彊善琴為單鵠寡鳧之弄聽者悲不自勝

夢白鳳

揚雄作太玄夢白鳳凰集其上嘗云長卿賦不似從  
人間來其友曰何如其佳曰合纂組以成文列錦繡  
以成質遂為合組之歌列錦之賦

蒲桃錦散花綾

霍光妻遺淳于衍蒲桃錦散花綾五十疋綾出鉅鹿  
陳寶光家霍顯召入其第作之六十日成一疋疋直  
萬錢又與珠排金錢為起第宅奴婢不可勝數衍曰  
吾為爾成何功而報我若是哉

淳于衍女醫也光妻  
使以毒藥殺許后者

後皆誅滅  
連數千家

讀賊千首

或問揚雄為賦雄曰讀賊千首乃能為之

至誠金石為開

李廣獵北平見卧虎一矢而斃他日又見卧虎射之  
矢飲羽進而視之乃石退而更射鏃破簞折而石不  
傷葛洪以問揚雄曰至誠則金石為開洪曰昔有遊  
東海者遇風漂船至一孤洲植纜登洲煮食食未熟  
而舟沒洲乃大魚吸波吐浪而去又陳縞入山采薪  
見墓前石馬謂鹿也斧缺柯折石馬不傷兩者亦至  
誠何金石所感偏乎雄無以應之

### 三雲殿



成帝設雲帳雲幄雲幕於甘泉紫殿世謂之三雲殿  
金衣菊裳

黃鵠下太液歌曰黃鵠飛兮下建章金為衣兮菊為  
裳

涓胡

顧卿事母至孝母好食涓胡飯雕胡菰之有米者也

幽王冢

幽王冢羨門甚大百餘尸枕藉唯一男子形色如生

兩京雜記

病坊

祕書省監號宰相病坊少府號給舍病坊丞大著號  
省郎病坊祕書郎及小著號察官病坊

紗籠中人

李藩未第時有僧告曰公是紗籠中人藩問其故曰  
凡宰相冥司必立其像以紗籠護之後果至台輔  
則天改新字

則天好改新字有言國中有或或者惑也乞以武鎮之乃改作國復言武在口中與囚何異乃改作囹

冥間列榜

崔紹暴卒復生見冥間列榜備書人姓名將相列金榜其次列銀榜州縣小官並列長鐵榜

念珠廳

京兆士曹判案至一百八道謂之念珠廳

佛袍集

張田古謂同僚曰比買得僧孺集蓋謂牛僧孺也同  
僚曰某亦得佛袍集

秦京雜記

唱杖

開元格律應科責人惟守令許唱杖他官不許

佛牙

京城五寺有佛牙右街總持寺左街安國寺崇聖寺  
薦福寺瑞聖寺次第設齋多至半月至七八日皆遣

使賜香都人大集

報羅使

進士放榜後至春闕前須有一人謝世名報羅使言  
報大羅天也

繩樞之戲

寒食節內僕司車與諸軍使為繩樞之戲合車轍道  
兩頭打大樞張繩樞上高二尺許須緊榜定駕車盤  
轉碾輪於繩上過不失者勝落輪繩下者輸皆裝飾

車牛賭物動以千計

內人科

咸陽舊牆內謂之內人科

一作斜

宮人死者葬之長二

三里風雨聞歌哭聲

音聲樹

都省後都堂門外大槐樹謂之音聲樹欲除拜僕射  
此槐必有聲如歌曲

漢陂

漢陂以魚美得名

石橋上下行馬

京兆尹新上者吏多於石橋上看行馬以下其行事  
若上橋馬行速此尹必善若馬行澁此尹必嚴惡甚  
驗

壓驚馬錢

李藹為尹故事延英中謝閣門等諸司事例共用三  
千緡以公使錢充藹至見在纔數緡問吏何以取足

吏請問捕賊官韓銖銖曰此易耳請來日排衙拖拽  
銖於庭問西市波斯客與漢客交雜久而乃釋之藹  
儒者不測其由翌日如言責銖銖出蕃商二百許家  
各送壓驚錢凡得數千緡乃以三千緡供庫贏餘甚  
多

市語

長安市人語各不同有葫蘆語鑠子語紐語練語三  
摺語通名市語



雞粟

大赦樹金雞雞口銜勝宣政衙鼓樓司雞唱六人至  
日同以索上雞竿爭口中勝爭得者月給俸三石謂  
之雞粟

隨駕老鷗

行幸及內宴常有群鷗翔集謂之隨駕老鷗後以弓  
矢彈去

番禺雜記

五羊

番禺二山名廣州昔有五仙騎羊而至遂名五羊

火宅僧

僧之有室家謂之火宅僧

雷藏

村民鑿山為穴以多品供雷冀雷享之名曰雷藏

雷郎

民家女或為神所依即呼為雷郎得子曰雷子

看潮

番禺令初到三日謁潮神看幾神知在任幾年其人善政即洋洋而上徐徐而下其數多至七

歌堂

南人尚鄉歌每集一處共歌號歌堂

臘一伏二

嶺表所重之節臘一伏二冬三年四

水醫

殺牛祭鬼治病名毛藥每熱病作以水自首淋之名

水醫

盪風

廣俗未見妻之父母所嫁女先飲一大杯謂之盪風

占卜

嶺表占卜甚多鼠卜箸卜牛卜骨卜田螺卜雞卵卜

篾竹卜俗鬼故也

瘴母

金匱要略卷之二十一  
或見物自空而下始如彈丸漸如車輪遂四散人中  
之即病謂之瘴母

鬼市

海邊時有鬼市半夜而合雞鳴而散人從之多得異  
物

諱虺

容州好食虺土人以為諱或云以蚯蚓為之

以玉抵鵲

黎洞之人以香代爨荆山之下以玉抵鵲

鰲帆

鰲背上有骨如扇乘風而行名鰲帆其衆如簾筏名  
鰲簾

鍊風

颶風將發有微風細雨先緩後急謂之鍊風又有石  
尤風亦颶之類

沓潮

早潮下晚潮上雨水相合謂之沓潮

潮田

以潮水溉田名潮田

天蛤

天蛤大如田蛤每大雪從空而下名天蛤

稻孫

稻經獲再生者名稻孫

合歡菜

葉如指甲每節四葉相對夜合晝開名合歡菜

魚子草

溪湖中草上多魚子收草曝乾春水種之池中須臾化成魚

競火樹

有草名競火樹言火不能燒多植以厭火又曰火河言若河隔火

大業雜記



船脚

煬帝幸江都自洛口御龍舟高四十五尺濶五十尺  
長二百尺分四重上一重有殿堂次一重有一百六  
十房下二重安內侍及船脚船脚即水工之名

沉香堂

楊素東都起宅窮極奢巧中起沉香堂既成閉之三  
日後開則四壁皆洒新血腥氣觸人

圖經

煬帝令杜寶修水室圖經十五卷以上巳日會羣臣  
於曲水有神龜負八卦黃龍負圖黃魚雙躍白魚入  
舟呂望釣磻溪金人捧劍周處斬蛟許由洗耳莊周  
觀魚屈原沈湘凡七十二事皆刻木為之

四時飲

謝諷造四時飲春以桃夏以酪秋以蓮實冬以枸杞  
五香飲

仁壽間籌禪師造五色飲以扶桑葉為青飲拔楔棗

為赤飲酪漿為白飲烏梅為玄飲江筍為黃飲筍音  
桂又以沉丁澤蘭甘松為五香飲

芝草

東都生芝狀如樓闕又或如出字者

玉箱雜記

二龍

蔡邕崔寔號並鳳寔又與許受號二龍王仲宣號沉  
下潛蛙

繡虎

曹植七步成章號繡虎

伏鸞隱鵠

鄧艾號伏鸞陸雲號隱鵠

擲玉於門

李盛作安南太守夢人擲玉於門盛曰門玉閨字也  
必有榮閨果暴富貴

無愁酒

漢武作無愁酒飲之令人無憂

三榮三悴

晉揚都城北角有槐木一日之間三榮三悴

藏鈎

鈎弋夫人手拳而國色世作藏鈎戲因此

青箱雜記

魏野獻詩

王文公旦相真宗近二十年處士魏野獻詩太平宰

相年年出君在中書十四秋西祀東封俱已畢可能  
來伴赤松遊歐陽公撰旦神道碑銘曰國有大事事  
有大疑匪卜匪筮公為蓍龜真宗常倚旦決事故也

### 藥名詩

陳亞仕至太常少卿滑稽之雄也嘗著藥名詩若風  
月前湖近軒窓半夏涼恭怕臘寒呵子下衣嫌春暖  
縮砂裁贈祈雨僧云無雨若還過半夏和師睺作葫  
蘆巴嘗曰布袍袖裏懷漫刺到處遷延胡索人此句

可贈游謁窮措大亞與章郇公友善作生查子陳情  
曰朝廷數擢賢旋占凌霄路自是鬱陶人險難無移  
處也知沒藥療孤寒食藥何相誤大幅紙連粘甘草  
歸田賦嘗作閨情生查子三首曰相思意已深白紙  
書難足字字苦參商故要檀郎讀分明記得約當歸  
遠志櫻桃熟何事菊花時猶未回鄉曲二曰小院雨  
餘涼石竹風生砌罷扇儘從容半夏紗幮睡起來閒  
坐北亭中滴盡真珠淚為念嬌辛勤去折蟾宮桂

三曰浪蕩去來來躑躅花頻換可惜石榴裙蘭麝香  
銷半琵琶閒後理相思必撥朱絃斷擬續斷來弦待  
這冤家看亞又自為亞字謎曰若教有口便啞且要  
無心為惡中間全沒肚腸外面強生稜角別有詩百  
餘首號澄源集有歲旦詩云收寒歸地底俵老向人  
間送歸化王宰詩云吏辭如賀日民送似迎時郊遊  
詩云馬嘶曾到寺犬吠乍行村

下觀楊子小



曹琰郎中亦滑稽有僧以詩卷投琰首篇登潤州甘露閣下觀揚子小琰曰卑末狗兒肥又一篇送僧云猿啼旅思淒琰曰犬吠張三嫂

五更三七上八

劉煜龍圖亦滑稽常與劉筠飲茶問左右曰湯滾也未左右皆曰已滾筠曰僉曰鯨哉煜曰吾與點也又嘗與筠連騎趨朝筠馬病足煜曰馬何故遲筠曰只為五更三言點蹄也煜應聲曰何不與他七上八意

欲其下馬徒行也

官職是國家底

陳執中作相有壻求差遣執中曰官職是國家底非  
卧房籠篋中物壻安得有之竟不與仁宗朝諫官累  
言執中不學亡術非宰相器陛下眷意不替者得非  
以執中嘗與先朝乞立陛下為太子耶先帝止二子  
周王已薨立嗣非陛下而誰上曰非為是但執中不  
欺朕耳

馮道詩

馮道詩雖淺近而近理有詩云窮達皆由命何勞發  
嘆聲但知行好事莫要問前程冬去冰須泮春來草  
自生請君觀此理天道甚分明又云莫為危時便愴  
神前程往往有期因須知海岳歸明主未省乾坤陷  
吉人道德幾時曾去世舟車何處不通津但教方寸  
無諸惡狼虎叢中也立身

論馮道

世譏馮道事四朝十一帝不能死節考其所言所行  
未嘗詭隨免於亂世盖天幸耳石晉之末契丹結釁  
無敢奉使者少主批令宰相選人道批奏云臣道自  
去舉朝失色皆謂墮於虎口道竟生還初郭威遣道  
迂湘陰道曰不知此事由中否道平生不曾妄語莫  
遣道為妄語人及周世宗欲收河東自謂此行若太  
山壓卵道曰不知陛下作得山否凡此皆推誠委命  
未嘗顧避依阿也又契丹問萬姓紛紛何人救得道

發一言以對不啻活生靈百萬俗人徒見道之迹不知道之心富文忠公論道之為人曰此孟子所謂大  
人也

上壽失容

張文定公齊賢相太宗真宗以亮直重厚稱晚娶薛氏婦真宗不悅元會上壽齊賢已微醺進止失容坐是謫安州其麻曰仍復酣營杯觴敬傾冠弁蓋為是也

張齊賢詩

張齊賢詩云慎言渾不畏忍事又何妨國法須遵守  
人非莫舉揚無私仍克己直道更和光此箇如端的  
天應降吉祥處厚廣為八篇其一有云須信樞機發  
寧容駟馬追三緘事可見兩舌業當知二云堪嘆波  
羅密可憐歌利王從心更從刀字意有消詳三云一  
毫如有犯三尺不相饒四云在他誠所短於已有何  
長五云公清多斂怨高亢易招危六云直須和輔助

和賴直交相恃直終多忤偏和又少剛七云永馮几  
杖力更遺子孫謀八云舒慘雖無定榮枯自有常

望火馬日遊神

皇祐嘉佑中未有謁禁士人多馳騫請托有一人號  
望火馬又一人號日遊神蓋日有奔競故也

香印

太祖廟諱語訛近香印故今賣香印者不敢斥呼鳴  
鑼而已仁宗諱語訛近蒸今呼蒸餅為炊餅

避諱

錢武肅王諱鏐至今吳越間謂石榴為金櫻劉家為金家留住為駐佳楊行密據江淮至今謂密為蜂糖父名岳不聽樂

劉溫叟父名岳終身不聽樂不遊嵩華每赴內宴聞鈞奏則涕泣移時曰若非君命則不至於是此與李賀父名晉肅不舉進士頗相類

諱取枉法贓



杜祁公衍常言父母之諱在我而已與人何預公帥  
并門吏請家諱公曰下官無所諱唯諱取枉法賊公  
後致政作詩曰雙鳬乘鴈常深愧野馬黃羊亦過憂  
唐張說云吾肉非黃羊必不畏喫血非野馬必不畏  
刺公詩盖用此

看尚書詩

真宗聽政之暇唯務觀書觀畢一書即有篇詠有御  
製看尚書詩三章春秋三章之類可謂近代好文之

主也

水津為步

韓退之羅池廟碑言步有新船蓋嶺南謂水津為步  
故冒步即漁者施罾處船步即衆人渡江處揚州瓜  
步洪州觀步閩中謂水涯為溪步

村市為虛

嶺南謂村市為虛柳子厚童區乙傳云之虛所賣之  
又詩云青箬裹鹽歸峒客綠荷包飯趁虛人市之所

在有人則滿無人則虛嶺南村市滿少虛多曰虛不亦宜乎

疫市

蜀有疫市間旦集如疫癘之發其俗又以冷熱發歇為市喻也

秀才可低處過

鄉人危叙應舉探省榜出門數步逢泥濘老嫗指示曰秀才可低處過危即從之比看榜最末有名是歲

果及第與據言所載後來必銜得相類

斫頭留項在裏

劉相沆累舉不第天聖中將赴省試夢被人斬其首  
心甚惡之有鄉人解曰狀元不到十二郎做只得第  
二人公詰之答曰雖斫却頭留項在裏蓋南音謂項  
為沆果第二人及第

舌上有毛

馬亮知江寧府將代夢舌上生毛有僧解曰舌上有

毛刺不得當再任果然

論相

相形不如論心心相有三十六善夫人嘗言意非求  
官自須如此一也有剛有柔二也慕善近君子三也  
有美食分人四也不近小人五也常行陰德每事方  
便六也能治家七也不厭人乞覓八也利人克己九  
也不逐惡貪殺十也聞事不驚張十一也與人期不  
失信十二也不易行改操十三也夜卧不便睡著十

四也馬上去不回顧十五也人不憎怒十六也不文  
過飾非十七也作事周匝十八也不忘人恩十九也  
有大量二十也不毀善害惡二十一也濟急二十二  
也不助強欺弱二十三也不忘故舊二十四也為事  
衆人用之二十五也不多言妄語二十六也得人物  
每生慚愧二十七也語有叙二十八也當人語次不先  
起二十九也常言善事三十也不嫌惡衣惡食三十  
一也方員隨時三十二也行善不倦三十三也知人

饑渴勞苦三十四也不念舊惡三十五也竭力救難三十六也三十六善全者位極人臣壽考令終不全則禍福相折具二十者刺史之位具十以上令長之官具五者亦須大富

心相

諺曰有心無相逐心生有相無心相隨心滅

識貴人

昔人謂官至三品不讀相書自識貴人以其閱多故

也

武有之德禹別之州

龍圖劉煜未第時娶趙尚書晁長女早亡猶有二妹  
復欲妻之煜曰若是武有之德不敢為姻如言禹別  
之州庶可從命蓋欲九姨議婚不欲七姨為匹故也  
夫人曰諺曰薄餅從上揭劉郎才及第豈得便揀點  
人家女煜曰非敢有擇但七姨骨相寒薄非某之對  
遂娶九姨後生七子皆至大官七姨後適關生竟不



第落泊寒餒劉氏養之終身

文章有館閣氣

夏英公謁盛文肅文肅曰子文章有館閣氣異日必顯後如其言

文章官樣

文章有兩等山林草野之文其氣枯槁著書立言者之所尚也朝廷臺閣之文其氣溫潤演綸視草之所尚也王安國曰文章格調須是官樣今樂藝亦有兩

般教坊則婉媚風流外道則粗野嘲啗村歌社舞抑  
又甚焉亦與文章相類

論富貴

晏元獻覽李慶孫富貴曲云軸裝曲譜金書字樹記  
花名玉篆碑公曰乞兒相未諳富貴者公詩有云樓  
臺側畔楊花過簾幕中間燕子飛梨花院落溶溶月  
柳絮池塘淡淡風公曰窮兒家有此景致也無公不  
喜肉食尤嫌肥羶每愛韋蘇州詩曰全沒些脂膩氣

集句

晏元獻集句若無可奈何花落去似曾相識燕歸來  
靜尋啄木藏身處閒見遊絲到地時樓臺冷落收燈  
夜門巷蕭條掃雪天已定復搖春水色似紅如白海  
棠花之類宋莒公曰此數聯後之詩人無復措詞

文公謝啓

楊文公母病謁告逮歸與弟倚居踰年不調有謝啓  
云介推母子願歸綿上之田伯夷弟兄甘受首陽之

餓後除知汝州言事者攻擊不已公又有啓云已擠溝壑猶下石而弗休方困蒺藜尚闢弓而相射

復本姓謝啓

范文正公幼孤隨母適朱氏因冒朱姓後復本姓謝啓曰志在投秦入境遂稱於張祿名非霸越乘舟乃效於陶朱以范睢范蠡嘗改姓故也偽蜀范禹偁亦嘗冒張姓謝啓云昔年上第誤標張祿之名今日故園復作范睢之裔然不若文正之精切

文莊詩

夏文莊公竦舉制科廷對罷遇楊徽之見其年少曰  
願丐賢良一篇以卜他日之志公詩曰殿上衮衣明  
日月硯中旗影動龍蛇縱橫禮樂三千字獨對丹墀  
日未斜楊嘆服曰真將相之器也

喜遷鶯詞

景德中夏文莊初授館職時方早秋上在拱宸殿按  
舞命中使索新詞公立進喜遷鶯曰霞散綺月沈鉤

簾卷未央樓夜涼河漢截天流宮闕鎖新秋  
瑤堦曙金莖露鳳髓香和雲霧三千珠翠擁宸游  
水殿按梁州上大悅

淮陰廟詩

淮陰侯廟題詩惟錢昆最爲絕唱曰築壇拜日恩雖  
厚躡足封時慮已深隆準早知同烏喙將軍應有五  
湖心

老兒詩五十韻

唐路德延有孩兒詩五十韻張師錫侍郎次韻為老  
兒詩曰髣髴髮盡皤然眉分白雪鮮週遮延客話偃僂  
抱孫憐無病常供粥非寒亦衣綿假溫衾擁背借力  
杖楮肩貌比三峯客年過四皓仙喚方離枕上扶始  
到門前每愛烹山茗常嫌飮石蓮耳聾如塞鑿眼暗  
似籠烟宴坐羸凭几乘騎困鞞鞭頭搖如轉旋唇動  
若抽牽骨冷愁離火牙疼怯漱泉形骸將就木囊索  
尚貪錢膠睫乾眯綴粘髭冷涕懸披裘腰懶繫濯手

袖慵揎擡舉衣頻換扶持藥屢煎坐多茵易破行少  
履難穿喜婢裁裙布嗔妻買粉鈿房教深下幕牀遣  
厚鋪氈琴聽怜三樂圖張笑七賢看嫌經字小敲喜  
磬聲圓食罷羹流一作沾袂杯餘酒帶涎樂來須遣罷

醫到久相延裏帽縱橫掠梳頭取次纏長吁思往事  
多感聽哀絃氣注腰還重風牽口更偏墓松先命種  
誌石預教鐫客到惟求藥僧來忽問禪烘茶懸竈壁  
曝艾曬簷椽怒僕空睜眼嗔僮謾握拳心驚嫌蹴踘



脚軟怕鞦韆局縮同寒狔摧壓似飽鳶觀瞻多目眩  
舉動則頭旋女嫁求紅燭男婚乞彩牋已聞頌几杖  
寧更佩韋絃賓客身非與兒孫事已傳養和屏作伴  
如意拂相連久棄登山屐惟存負郭田呻吟朝不樂  
展轉夜無眠呼稚臨牀畔看書就枕邊冷疑懷貯水  
虛訝耳聞蟬東帛非無分安車信有緣伏生甘坐末  
絳老讓行先拘急將風夜昏沈欲雨天雞皮塵旋漬  
齟齬食頻填每憶居郎署常思釣渭川喜逢迎佛會

羞赴賞花筵  
逕狹容移檻  
堦危索減墀  
好生焚鳥網  
惡殺拆魚船  
既感桑榆日  
常嗟蒲柳年  
長思當弱冠  
悔不賸狂顛

詩有障礙

江南李覲詩云  
人言落日是天涯  
望極天涯不見家  
已恨碧山相掩映  
碧山還被暮雲遮  
識者曰此詩意  
有重重障礙  
李君恐時命不偶  
後如其言

吟詩見志

宋荅公庠知許州開西湖詩曰鑿開魚鳥忘情地展  
盡江湖極目天識者知其位極一品矣孟郊下第詩  
曰兩度長安陌空將泪見花及第詩曰一日看盡長  
安花進取得失常事下第隕穫至於下泪登科則志  
氣充溢一日之間花即看盡何其速也竟死於漂陽  
尉

詩識

寇萊公少作詩曰去海止十里過山應萬重及雷州

問州去海幾里吏云十里則南遷已預識矣張乖崖  
詠晚年典淮陽郡詩曰方信承平無一事淮陽閒殺  
老尚書後一年捐館亦詩識也蘇公初題金山寺云  
僧依玉鑑光中住人踏鰲魚背上行識者云榮入玉  
堂之兆其後止於內相亦詩識也

白孟二詩

白居易詩曰無事日月長不羈天地濶此曠達者之  
詞也孟郊詩曰出門即有礙誰謂天地寬此褊隘者

之詞也天地又何嘗礙郊郊自礙耳

牡丹不成一事

王文康公詩曰棗花至小能成實桑葉雖柔解吐絲  
堪笑牡丹如斗大不成一事又空枝亦重厚者之詞  
也

求食

春秋左氏傳稱三叛人以土地出求食而已賤而書  
名以其無廉恥之至也今娼家謂之求食蓋本乎此

三臺

蘇有姑蘇臺故號蘇臺相有銅雀臺故號相臺滑有測景臺故號滑臺

驛券

唐以前館驛並給傳往來開元中務從簡便方給紙券驛給券自此始

繁臺

天清寺繁臺本梁王鼓吹臺梁高祖改為講武臺後

繁氏居其側里人乃呼為繁臺

惠崇詩

楚僧惠崇工詩書楊氏別墅云河分崗勢斷春入燒  
痕青塞上云河水堅度馬塞雪密藏鵬宿東林寺云  
鳥歸山墮雪僧定石沈雲上楊翰林云露寒金掌重  
天近玉繩低柳氏書齋云著書驚日短彈劍惜春深  
秋夕云露下牛羊靜河明桑柘空舟行云林斷城隍出  
江分島嶼迴游隱靜寺云空潭聞鹿飲疎樹見僧行

送錢供奉云劍佩明山雪旌旗濕海雲濠梁夜泊云  
夜間潮動舸秋迴月臨城早行云繁霜衣上積殘月  
馬前低懷長公云秋近草蟲亂夜遙霜月低夏夜云  
扇聲猶泛暑井氣忽生秋賀劉舍人云日纏黃道迴  
春入紫微深陝西道中云關河雙鬢白風雪一燈青  
立程嬰杵臼廟

神宗朝皇嗣屢闕吳處厚上書乞立程嬰公孫杵臼  
廟庶幾鬼不為厲國統有繼上勅河東訪尋遺跡乃



得其冢於絳州詔封嬰杵臼並為侯因命立廟處厚  
上書其畧云史記世家考趙氏興廢本末惟程嬰公  
孫杵臼盡死不顧保全趙氏孤兒乃知國家傳祚至  
今皆二人之力也

臨終偈

楊文公王相隨二公皆達性理文公臨終偈曰漚生  
復漚滅二法本來齊要識真歸處趙州東院西王相  
偈曰畫堂燈已滅彈指向誰說去住本尋常春風掃

殘雪是夕堯凌晨大雪

張方平偈

張尚書方平尤達性理有人問祖師西來意張作偈  
曰自從無始千千劫萬法本來無一法祖師來意我  
不知一夜西風掃黃葉

訪荷澤像

富鄭公遺吳處厚書託訪荷澤諸禪師畫像吳作偈  
曰是身如泡幻盡非真實相況茲紙上影妄外更生

妄到岸不須船無風休起浪唯當清靜觀妙法了無  
象公答曰執相誠非破相亦妄不執不破是名實相  
裴晉公賦

詩見人志賦亦可見焉晉公作鑄劍戟為農器賦云  
我皇帝嗣位三十載寰海鏡清方隅砥平驅域中盡  
歸力穡示天下弗復用兵則平淮西一天下已見於  
此賦矣

范文正賦

范文正公作金在鎔賦云如今區別妍媸願為軒鑑  
若使削平禍亂請就干將則公負將相器業文武全  
材已見於此賦矣公為水車賦云方今聖人在上五  
日一風十日一雨則斯車也吾其不取意謂水車唯  
施於旱不旱則無所施公在寶元康定間邊鄙有事  
驟加進擢晏靜則置而不用亦與水車何異

王沂公賦

王沂公有物混成賦云不縮不盈賦象寧窮於廣狹

匪雕匪斲流形罔滯於盈虛則宰相陶鈞之意可見  
矣又云得我之小者散而為草木得我之大者聚而  
為山川則擇任羣材使小大各得其所又可見矣

宮詞

王公隨有宮詞云一聲啼鳥禁門靜滿地落花春日  
長又野步云桑柝科春色漁歌唱夕陽皆應舉時行  
所作

類說卷四

欽定四庫全書

子部  
類說卷五

詳校官中書臣張姚成

員外郎臣牛稔文覆勘

總校官檢討臣何思鈞

校對官典簿臣劉景岳

謄錄監生臣何銓

欽定四庫全書

類說目錄

卷五

燕北雜記

壓襪法

木兔

請蕭姓者

埋狗

蕭姓請耶律

艾衣

三節

打圓斗射虎

木葉山

奠黑山

旋風

戎裝飲

種田

治盜

擣鼓

錫里

行軍

午日大喊

錫勒必

洞冥記

帝德宜封

九色鳳雛



負局先生

却睡草

神馬

鮫人泣珠

猗蘭殿

王母降

玉枝

龜甲屏風

刀花赤鵲

桂柱

碧草

唱迴風曲

龍叫池

翻雞菱

躡空草

蟹膠

懷夢草

騰光臺

含烟舟

玉璃

玉燕釵

龜二千年一出頭

滑稽兒

影蛾池

十洲記

不死草

集絃膠

割玉如泥

碧海

火浣布

仙槎

蓬丘

十二玉樓

崑崙宮

廣寒宮

青雲千呂

神丸

武帝四多

風生獸

靈膠

扶桑

風山

拾遺記

青虹

丹渠霞漿

昆臺

召百辟受教

甯封食飛魚

孤桑

鐘磬聲振百里

夢吞日生子

丹石

寶露

三壺

青鸛

貫月查

烏吐五色氣

河精

黃龍玄龜

玉簡

傳說夢乘雲

蜂舟

泥籬國來朝

鳳鵝

綠囊中丸散

師延奏曲

比翼鳥

八駿

玉帳高會

仁鳥

水精之子

黃髮五老

寶井

玄天女

肘間金壺

指端出浮圖

螺舟

子午臺

趙高懷中青丸

紫琉璃帳

雲雷宮

崆峒靈瓜

瓊厨金穴

兩舌重音

夜舒荷

太一之精

舌耕

經神經苑

行尸走肉

書倉

針神

辟寒金

機絕針絕絲絕

嚙語通周易

九鼎

招涼珠

白獺髓

百濯香

青衣撲火

九醞酒

頻斯國

側理紙

房老

瑤臺十二

芳塵

金霧

頗稜

怨碑

帝辛枕

泥封

滛泉

龍駒島

蓬萊山

不周之粟

冰蠶

金堂

玉錢

碧霜

玉人

夜明苔

鑄兔腎為二劍

月鏡

神龜

八鴻

璿宮

冥祥記



神實不盡

壞經為衣

阿練

女記前生刀子

齊諧記

啖臙鼈

針腫

白獺

類說目錄

欽定四庫全書

類說卷五

宋 曾慥 編

燕北雜記

壓襪法

每年正月一日以糯米炊飮用白羊髓和丸為團如拳大行宮寢帳內各散四十九丸為壓襪法遠人呼

此謂之阿尼雅伊能伊

滿洲語元旦也舊作奴担離遼史作迺捏伊兜解云日子並誤今改

蕭姓請耶律

二月一日遼人蕭姓者並請耶律姓者於本家筵席

番呼此節為扎拉巴

蒙古語已請之謂舊作賸里討解云賸里是請討是時並誤今改

木兔

三月三日以木雕爲兔分兩朋走馬射之先中者勝其負朋下馬跪奏勝朋人酒勝朋於馬上接殘飲之

遼稱此節為陶拉噶爾布噶

索倫語射兔之謂舊訛作淘里化今改

艾衣

五月五日午時採艾摘葉與綿相和絮衣七事遼主

著之南北臣僚各賜艾衣三事渤海厨子進艾膏遼

稱此節為托卜伊能伊

滿洲語托卜端也伊能伊日也舊作討賽離遼史作討賽耶兜今並改

請蕭姓者

六月十八日耶律姓却請蕭姓者亦名扎拉巴

三節

七月十三日至十五日迎節送節哭節遼人呼為賽

音伊能伊

滿洲語吉日也舊作賽離捨解云賽離是月捨是子並誤今改正

埋狗

八月八日殺白犬於寢帳前七步埋其頭露背後七

日移寢帳於埋狗頭地上呼此節為伊克努爾

蒙古語伊

克大也努爾面也舊作担禍妳遼史作捏禍耐解云担禍是狗妳是頭並誤今並改

### 打圃斗射虎

九月九日打圃斗射虎少者輸重九一筵席射罷於

地高處卓帳飲菊花酒出兔肝切生以鹿舌醬拌食

之呼此節為博羅哩烏楚哩

滿洲語博羅哩秋也烏楚哩時也遼史訛必里遼離此又訛一十賽今並改

### 木葉山

十月將小紙衣甲像生鎗刀器械望木葉山寄庫呼

為達勒噶喀

滿洲語燒也舊作戴辣解云  
戴是燒辣是甲並誤今改

### 奠黑山

冬至日殺白羊白馬白雁出生血和酒望黑山奠袖

言契丹死魂為黑山神管係

### 旋風

契丹見旋風合眼用鞭望空打四十九下口道阿都

拉七聲

戎裝飲

臘月戎裝飲酒呼為綽哈雅布

滿洲語綽哈兵也雅布令其行也舊作抄離時解云抄離是戰時是時並誤今改

種田

遼謂種田為塔哩

滿洲語種田也舊作提烈誤今改

治盜

正月十三至十五日盜皆原釋如盜及十貫以上依

法行遣呼為呼爾哈豁羅

滿洲語盜賊也舊作鶻呂時解云鶻呂是偷時是時並誤今改正

搥鼓



遼王別有鼓十六面發更時搖動至二點住三更再

搖呼為巴爾巴勒鼓

是驚鬼

錫里

蒙古語選拔也  
舊作舍利今改

契丹富豪民要裹頭巾者納牛駝七十頭馬百疋并  
給契丹名目謂之錫里

行軍

契丹行軍不擇日用艾和馬糞於白羊琵琶骨上灸  
灸破便出行不破即不出

午日大喊

遼人每遇午日如不逢兵亦須排陣望西大喊七聲  
言午是遼國大旺之日

錫勒必

北界漢兒方為契丹凌辱罵作錫勒必錫勒必奴婢  
也

洞冥記

帝德宜封

武帝坐溫室小殿有童女玉色服青衣緣瑣窗而入  
跪於帝前曰后土之尊使臣送瑤符於陛下符文曰  
帝德宜封帝乃議封禪之事

九色鳳雛

東方朔游房林之野獲九色鳳雛

負局先生

李袞負五嶽真形圖而至號負局先生

却睡草

善語國人飲丹露云日初出有露如珠又有草食之  
不睡號却睡草

神馬

東方朔游吉雲之地得神馬乘以遶日三匝朝出暮

歸

鮫人泣珠

跋勒國人嘗有鮫人宿其舍既去泣別所墮淚皆成

珠

猗蘭殿

猗蘭殿漢武帝所生之殿

王母降

武帝時王母降聞其歌不見人聲園西梁棟間

玉枝

東方朔得西那國玉枝以進武帝賜近臣年高者云  
病則枝汗死則折老聃得之七百年不汗偓佺得之  
三千年不折

龜甲屏風

武帝起神明臺臺上設金牀象席雜玉為龜甲屏風  
刀化赤鵲

武帝賜東方朔刀後化赤鵲入雲去

桂柱

甘泉宮有凌波殿以桂為柱風來自香

碧草

瑤琨山有碧草草實如菱以釀酒一飲三旬不醒

唱迴風曲

漢宮人麗娟善歌體弱殆不勝衣常居瑠璃帳帶琥  
珀佩恐隨風輕舉常唱迴風曲庭葉翻落如秋

龍蚪池

漢宮龍蚪池有掇月舟太一池有連錢荷

翻雞菱

玄都觀有翠水水中有菱狀如飛雞謂之翻雞菱又  
有鴨丹毛而輕登芙蕖啖食朝露號升菰鴨

躡空草

烏奔國有草如芥葉食之能行空中號躡空草

蟹膠

善化國貢蟹長九尺有百足四殼煮其殼為蟹膠勝

於鳳啄

懷夢草

鍾火山有香草武帝思李夫人東方朔獻帝懷之即

夢見名懷夢草



騰光臺

建元中起騰光臺臺上設樂有懸黎之磬吹霜條之  
簾唱來雲依日之曲

含烟舟

漢宮含烟舟以木蘭文杏為櫓

玉螭

成帝微行見一玉螭遊於路

玉燕釵

趙后玉釵化為白燕飛去後人因作釵名玉燕釵

龜二千年一出頭

黃安者為代郡卒服朱砂舉體皆赤嘗坐一龜廣長三尺曰此龜伏羲初造網罟得之性畏日月每二千年一出頭我坐此見五出頭矣

滑稽兒

帝呼東方朔為滑稽兒

影娥池

望鵲臺有池廣千尺帝欲使仙人乘舟弄月影因名影娥池

十洲記

十洲者祖洲瀛洲玄洲炎洲長洲元洲流洲生洲鳳麟洲聚窟洲

不死草

祖洲有不死草出瓊田又名養神芝人已死三日者以草覆之即活採服之長生

集絃膠

鳳麟洲以麟角作膠名集絃膠能屬連斷絃又名續

絃膠

割玉如泥

流洲以昆吾石作礪冶鐵作劍割玉如削泥

碧海

扶桑東有碧海水色深碧

火浣布

炎洲有火林山山有火鼠鼠毛為火浣布有垢燒即除

仙槎

扶桑島有木如桑實如槎仙人以為珍果九十年一實

蓬丘

蓬萊山一名蓬丘別有圓海黑色無風而洪波百丈不可得往

十二玉樓

崑崙山積金為城名天墉城面方千里上有十二玉樓

崑崙宮

崑崙山有三角一角正北名閼風巔一角正西名玄圃臺一角正東名崑崙宮

廣寒宮

冬至後月養魄於廣寒宮

青雲干呂

漢武時西域遠夷來貢云嘗占東風入律十旬不休  
青雲干呂連月不散意中國有好道之君故搜奇蘊  
以獻

神丸

月支國獻武帝香四兩大如雀卵累如桑椹使者曰  
此更生之神丸

武帝四多

月支使者見武帝退而語人曰帝有四多目多顧則貪忍口多言則犯難身多動則淫賊心多飾則奢侈未有用此能成天下之治者也

風生獸

炎洲有風生獸似豹青色大如狸在火中不焚其毛不焦斫刺不入以鐵椎椎其頭乃死以口向風便活石上菖蒲塞其耳鼻則死取其腦和菊服之長生

靈膠



日西國王貢靈膠四兩吉光裘二領裘入水不沈入  
火不焦

扶桑

扶桑地方萬里多生林木葉如桑樹長者數千丈兩  
兩同根偶生故名扶桑

風山

玄洲上有風山聲響如雷

拾遺記

青虹

春皇者伏羲之別號居華胥之洲初神母游洲上有  
青虹繞神母即娠歷十二年生伏羲

丹渠霞漿

神農時陸地生丹渠駢生如車蓋又有流雲洒液名  
為霞漿

昆臺

黃帝厭世于昆臺乃鼎湖峻極之處

召百辟受教

黃帝召百辟受德教者先列珪玉於蘭臺燃沈榆之香

甯封食飛魚

黃帝使風后負書常伯荷劍日游洹流夕歸陰浦萬里一息洹流有石渠一莖百葉千年一花其地一名沙澗沙湧起成波澗也中多神龍魚鼈皆能飛翔仙人甯封食飛魚而死二百年更生故甯先生游沙海

頌云青渠的皦千載舒百齡暫死餌飛魚

孤桑

少昊妃皇娥處璇宮夜織或乘桴游窮桑之浦有神  
童稱白帝之子即太白之精與之燕戲窮桑者西海  
之濱有孤桑直上千尋萬歲一實食之後天而老

鐘磬聲振百里

顓頊有浮金之鐘沈明之磬羽毛拂之則聲振百里  
又奏含英之樂

夢吞日生子

帝嚳之妃鄒屠氏之女行不踐地常履風雲夢吞日則生子

丹石

丹丘之野多鬼血化為丹石則礪礪也丹丘千年一燒黃河千年一清

寶露

黃帝時瑪瑙甕堯時猶存甘露在其中盈而不竭謂

之寶露頒賜羣臣至舜時露漸減時溥則露滿時澆則露竭

三壺

海中三山曰三壺方壺則方丈也蓬壺則蓬萊也瀛

壺則瀛洲也

形如壺

青鸛

羽山之北有鳥曰青鸛聲如鐘磬世語曰青鸛鳴時

太平

貫月查

堯時有巨查浮西海上有光如月查浮四海十二年  
一周天周而復始名貫月查亦曰桂星查

鳥吐五色氣

舜葬蒼梧有鳥吐五色氣名曰憑霄銜土成墳積珠  
成壘

河精

鯀治水九載無績自沈羽淵化為玄魚

黃龍玄龜

禹盡力溝洫黃龍曳尾於前玄龜負青泥於後

玉簡

禹游龍門八神探玉簡授之長一尺二寸使量度天地禹執簡平定水土

傳說夢乘雲

傳說債為赭衣舂巖夢乘雲繞日而行筮得利建侯卦帝聘之



蜂舟

武王伐紂有大蜂如丹鳥飛集王舟因以繪旗名舟

曰蜂舟

泥籬國來朝

成王時泥籬國來朝其人自發其國常行雲中下聞  
雷霆或入潛穴波瀾在上視日月以知方國計寒暑  
以知年月

鳳鷄

旃塗國獻鳳鵠載以瑤車駕以赤象飲瓊漿飼雲實  
成王崩飛去

綠囊中丸散

昭王坐祇明之臺夢白雲起有羽衣人指畫王心應  
手即裂曰先欲易王之心乃出方寸綠囊中有續脉  
明丸補血精散王貯以玉缶緘以金繩王以塗足則  
飛天萬里如遊咫尺

師延奏曲

師延樂人也拊一絃琴則地祇皆升吹玉律則天神俱降當軒轅時已數百歲聽樂聲審國興亡紂欲殺之師延奏清商流徵滌角之音紂曰淳古遠樂非予可聽更奏迷魂淫魄之曲乃得免禍

比翼鳥

燃丘國獻比翼鳥以玉為樊其使者經百餘國方至

京師

八駿

穆王巡行天下馭八龍之駿一名絕地足不踐土二  
名翻羽行越飛禽三名奔霄夜行萬里四名超影逐  
日而行五名踰輝毛色炳耀六名超光一形十影七  
名騰霧乘雲而奔八名挾翼身有翅

玉帳高會

穆王集方士春霄宮設常生之燈鳳腦之燈璫膏之  
燈又有冰荷出冰壑中西王母乘鳳輦而來玉帳高  
會進洞淵紅鸞嶸州甜雪崑崙流素蓮陰岐黑棗萬

歲冰桃千年碧藕素蓮一房百子黑棗其樹百尋實  
長二尺百年一熟

仁烏

晉文公焚林求介子推有白鴟遶烟而噪呼曰仁烏  
俗謂烏白臆者為慈烏則其類也

水精之子

孔子生之夜有三蒼龍自天而下有二神女擎香露  
於空中以沐浴孔母天帝下奏鈞天之樂有五老列

於庭則五星之精也先是有麟吐玉書於闕里人家  
云水精之子系衰周而素王故二龍遶室五星降庭  
孔母以繡紱繫麟角及夫子將終抱麟解紱而泣

黃髮五老

老聃居反景日室之山有黃髮五老即五方之精也  
或乘鴻鶴或衣羽毛耳出於頂瞳子皆方握青筠之  
杖與聃共談天地之數

寶井

范蠡收四方難得之貨或藏之井塹謂之寶井麗色  
溢於閨房謂之遊宮

玄天女

燕昭王時廣延國獻善舞二人一名提漠次名旋娟  
或行無移影或積年不飢其舞一曰縈塵次曰集羽  
王好神仙玄天之女託形作此二人

肘間金壺

浮提國獻善書二人出肘間金壺中有汁如漆洒地

皆篆隸佐老子作道德經凡數萬言老子刪除之留  
五千言

指端出浮圖

休胥國道人尸羅指端出浮圖十層高三尺人長五  
六分執幢蓋遶塔而行

螺舟

秦始皇好仙有宛渠之民乘螺舟而至舟形似螺沈  
行海底水不浸入其國人長十丈語及天地初開之



時了如目睹

子午臺

始皇起雲明臺窮四方之珍木搜天下之巧工子時起工午時已畢秦人謂之子午臺

趙高懷中青丸

秦王子嬰懸趙高於井口七日不死以鑊湯煮七日不沸乃戮之獄吏曰高初囚時懷中有一青丸大如雀卵方士云高先世受韓終丹法冬卧堅冰夏卧爐

上不覺寒熱高死一青雀從屍中入雲九轉之驗也

紫琉璃帳

黃偃以玉精為盤貯冰於前設紫琉璃帳火齊屏風

列靈麻之燭

雲雷宮

漢成帝造飛行殿方一丈其行疾若風雷號雲雷宮

崆峒靈瓜

漢明帝時燉煌進異瓜云崆峒靈瓜四劫一實

瓊厨金穴

光武皇后弟郭況家工作之聲不絕人謂郭氏之室  
不雨而雷東京謂況家為瓊厨金穴

兩舌重音

西方有因霄國國人皆善嘯丈夫嘯聞百里婦人五  
十里如笙竽之音人舌尖處倒向喉內亦曰兩舌重  
音呂氏春秋云反舌殊鄉之國是也

夜舒荷

靈帝起裸遊館千間渠水遶砌蓮大如蓋長一丈荷  
夜舒畫卷名夜舒荷宮人靚粧解上衣著內服或共  
裸浴西域貢茵墀香煮湯餘汁入渠號流香渠

太一之精

劉向校書天祿閣夜有老人著黃衣植青藜杖授向  
五行洪範云我是太一之精天帝聞金卯之子有博  
學者下而觀焉出懷中玉牒有天文地圖之書

舌耕

賈逵通經門徒來學不遠萬里獻粟盈倉或云逵非  
力耕所謂舌耕

經神經苑

鄭康成為經神任末為經苑何休為學海

行尸走肉

任末曰人而好學雖死若存不學者雖存行尸走肉  
耳

書倉

曹曾積石為倉以藏書名曹氏書倉

針神

魏文帝美人薛靈芸容貌絕世妙於針工能暗中裁染號針神

辟寒金

魏明帝時昆明國貢嗽金鳥飼以真珠飲以龜腦常吐金屑如粟鳥性畏寒處之小屋水精為戶內外通光名辟寒臺宮人以鳥吐金飾釵謂之辟寒金

機絕針絕絲絕

吳王趙夫人能於指間織錦號機絕於方寸帛上繡  
五嶽河海號針絕以神膠續髮織裁為幔仍一髮析  
為數縷號絲絕

嚙語通周易

呂蒙夢誦周易俄驚曰向夢見伏羲周公文王論世  
祚興亡之事日月貞明之道衆云呂蒙嚙語通周易

嚙魚計反  
睡語也

九鼎

禹鑄九鼎五者以應陽數四者以象陰法以雌金為陰鼎雄金為陽鼎鼎中常滿以占休咎夏桀之亡鼎水皆沸

招涼珠

黑蚌珠能却暑燕昭王暑月懷之號消暑招涼珠

白獺髓

孫和月下舞水精如意悞傷鄧夫人頰太醫曰得白



獺髓雜玉與琥珀屑當滅痕富春漁人云此物知人  
欲取則入石洞伺其祭魚有鬪死者穴中有枯骨可  
合玉舂為粉散瘡上和乃合此膏琥珀太多及差有  
赤點更益其妍諸嬖人更以丹脂點頰以要寵

百濯香

孫亮為四姬造香百浣不歇號百濯香

青衣撲火

糜竺家有伏屍夜聞涕泣竺命為棺以青布衣置塚

中後見一婦人曰君有火厄今以青蘆杖報君竺財  
貨如山大珠如卵謂之寶庭後火起見數十青衣童  
子撲火火滅童子云多聚鶴烏禳火以鶴能畜水於  
巢上

九醞酒

張華為九醞酒若醉不叫笑搖動則消爛腸胃名爛  
腸酒

頻斯國

魏有頻斯國人來朝五色玉為衣賁金壺壺中有漿  
如脂嘗一滴則壽千歲其國有大石可容萬人上刻  
三皇像天皇十二頭地皇十一頭人皇九頭皆龍身  
國人不食五穀日中無影飲桂漿羽毛為衣

側理紙

張華進博物志賜于闐青鐵硯遼西麟角筆南越側  
理紙南人以苔為紙其紙縱橫斜側因以為名後人  
言陟里

房老

石季倫妾名翔風妙別玉聲善觀金色聲容相類者  
十人服飾一等屑沈香為塵布象席上踐之無跡者  
賜真珠百琲有跡者節其飲食閨中戲曰爾非瘦骨  
輕軀安得百琲真珠及翔風色衰退為房老

瑤臺十二

崑崙山上有瑤臺十二各廣千步皆五色玉第九層  
有芝田蕙圃

芳塵

石虎起四十丈樓結珠為簾垂五色玉佩雜寶異香  
為屑風作則揚之名芳塵塵甚以酒洒之名粘雨又  
為四時浴室硃硃為堤琥珀為杓池中以百雜香囊  
漬水中浴罷洩水宫外名溫香渠

金霧

岱輿山有平沙千里色如金風起沙名金霧又名金  
塵有獸名嗽月有光如月有瑤草香花葉俱香

頗稜

西國菜名頗稜因僧攜子入中國訛為波稜

怨碑

秦始皇作墓并匠者閉之匠人墓中刻石皆怨詞後  
經發墓人號怨碑

帝辛枕

漢誅梁冀得一玉虎頭枕領下篆云帝辛之枕與妲  
己同枕之

泥封

元封中浮忻國貢蘭金之泥常以此泥封函匣及宮門鬼魅不敢干衛青張騫之徒皆受金泥之璽封

淫泉

日南有泉甘軟男女飲之則淫號淫泉

龍駒島

東海有島名龍駒川穆王養八駿處有草名龍芻

蓬萊山

蓬萊山一名防丘一名雲來瀛洲一名魂洲一名環  
洲懸火精為日黑玉為烏水精為月青瑤為蟾兔

不周之粟

員嶠山多大鵲銜不周之粟粟穗高三丈食之經月  
不饑呂氏春秋亦云粟之美者有不周之粟

冰蠶

員嶠山有冰蠶長七寸有鱗覆以雪霜作蠶長一尺  
織為文錦入水不濡



金堂

洞庭山浮水上其下金堂數百間龍女居之金石絲竹之聲徹於山頂

玉錢

晉因墀國獻玉錢其文曰天壽永昌

碧霜

廣廷國霜色紺碧

玉人

蜀先主以玉人立甘后側玩之宮人妬后亦妬玉人  
夜明苔

晉太始中外國獻金苔有宮人得幸者賜之照耀滿  
室名夜明苔

鑄兔腎為二劍

干將鏤鄒昆吾山有獸如兔食銅鐵膽腎皆如鐵吳  
國武庫中兵刃俱盡而封署如故得雙兔殺之有鐵  
如膽腎方知兵刃為兔所食乃鑄腎為二劍雄為干

將雌為鑊鉚

月鏡

周靈王時外國貢石鏡其白如月照人則寒名月鏡

火齊鏡

有韓房者自渠胥國來獻火齊鏡廣三尺閤中視物如畫向鏡語則鏡中影應聲而答

神龜

崑崙山有神龜萬歲則升木能言

八鴻

八方曰八鴻鴻大也

璿宮

后宮曰璿宮

冥祥記

神寶不盡

宋王灌之不信佛法嘗謂身神俱滅寧有三世耶後  
得病氣絕復蘇謂荷道力或曰明府生平置論不爾

今何見而異之灌之斂眉答云神實不盡佛教不得  
不信語卒而終

壞經為衣

宋尼智通年少信道不篤師死罷嫁魏郡梁甫生一  
男家貧無以為衣尼有法華等經悉練之以衣其兒  
一年得病竟體壞爛狀若火瘡有細白蟲日出升餘  
晝夜號叫聞空中語云壞經為衣得此報也旬餘而  
死

阿練

晉中書令王珉有一胡沙門每瞻珉丰采曰若我復生得與此人作子願亦足矣頃之病卒珉生一子始能言便解外國語及絕國珠貝生所未見即識名曰咸為沙門先身故珉字之曰阿練

女記前生刀子

向靖有女數歲而亡始病時弄小刀子母奪取不與傷母手又後產生一女年四歲曰前時刀子何在母

曰無也女曰昔爭刀子故傷母手何云無也靖覓數刀子合置一處令女自識女見大喜即取先者

齊諧記

啖膾鼈

晉有麻姑者好啖膾華本者好啖鼈膾二人相善麻姑見一鼈大如釜尾是大蛇繫之一月盡變成鼈取作膾召本食之非常肥美本強令麻姑食之姑啖一膾有物塞喉不下開口見本本見一蛇頭開口吐舌

本驚走本得大蛇作膾喚姑食甚美苦求此魚本醉  
家牽蛇餘肉來姑見之嘔血而死

針腫


有范光祿者病脹脚腫忽有一人不通名便入齋中  
云佛使我來理君病因針腫上出黃濃水三升許而  
去其病遂愈

白獺

魏徐邈善畫明帝游洛水見白獺愛之不可得邈曰



獺嗜鯔魚乃不避死遂畫板作鯔魚懸岸羣獺競來  
一時執得帝曰卿畫何其神也



類說卷五